

Ո Ր Ո Շ ՈՒ Մ N 855/1
/վարչական տույժ նշանակելու մասին/

«03» սեպտեմբերի 2020թ.

ք. Երևան

Հայաստանի Հանրապետության պետական եկամուտների կոմիտեի Արարատյան մաքսատուն-վարչության պետ Կարեն Բաբայանս, քննելով Մայիս Քարամյանի (անձնագիր՝ 649427546, հասցե՝ ՀՀ, Արարատի մ., գ. Շահումյան, Մինասյան 137 139) նկատմամբ հարուցված մաքսային կանոնների խախտման վերաբերյալ գործը,

Պ Ա Ր Զ Ե Ց Ի

Մայիս Քարամյանի անվամբ թիվ 05100022/250320/0005756 տարանցման հայտարարագրով Բավրայի մաքսային կետ-բաժնով ՀՀ տարածք է ներմուծվել 2,341 կգ ընդհանուր քաշով բեռ, որը 26.03.2020 թվականից հանձնվել է մաքսային մարմինների ժամանակավոր պահպանությանը, սակայն մինչև ժամանակավոր պահպանության ժամկետի ավարտը բեռի վերաբերյալ մաքսային հայտարարագիրը մաքսային մարմնին չի ներկայացվել:

ՀՀ ՊԵԿ Արարատյան մաքսատուն-վարչության բացթողնման բաժնի գլխավոր մաքսային տեսուչի կողմից 29.07.2020 թվականին Մայիս Քարամյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 194-րդ հոդվածի հատկանիշներով:

Մաքսային կանոնների խախտման վերաբերյալ գործի քննությունը նշանակվել է 20.08.2020 թվականին ժամը 10:00-ին, սակայն ծանուցագիրը ստանալու մասին տեղեկատվության բացակայության պատճառով գործի քննությունը տեղափոխվել և նշանակվել է 03.09.2020թ., ինչի անցկացման վայրի և ժամանակի մասին ծանուցումն առաքվել է Մայիս Քարամյանի հասցեով, սակայն ծրարը վերադարձվել է <<Մահացած>> նշագրմամբ:

31.07.2020թ. թիվ 20.1/49293-2020 գրությամբ Մայիս Քարամյանի բնակության վերաբերյալ հարցում է կատարվել ՀՀ ոստիկանության անձնագրային և վիզաների վարչություն: Ի պատասխան թիվ 20.1/49293-2020 առ 31.07.2020թ. հարցման՝ ՀՀ ոստիկանության անձնագրային և վիզաների վարչության 05.08.2020թ. թիվ 39475-2020 գրությամբ հայտնվել է, որ Մայիս Քարամյանը ԲՊՌ պահոցով չի անցնում:

Միաժամանակ 31.08.2020թ. թիվ 20.1/56655-2020 և 02.09.2020թ. թիվ 20.1/57030-2020 գրություններով Մայիս Քարամյանի մահվան փաստի գրանցման վերաբերյալ հարցում է կատարվել ՀՀ ԱՆ ՔԿԱԳ գործակալություն: Ի պատասխան 02.09.2020թ. թիվ 20.1/57030-2020 հարցման՝ ՀՀ ԱՆ ՔԿԱԳ գործակալության պետի թիվ 44682-2020 գրությամբ հայտնվել է, որ ՀՀ ԱՆ ՔԿԱԳ էլեկտրոնային կառավարման միասնական համակարգում Մայիս Քարամյանի (անձն. 649427546, հասցե՝ ՀՀ, Արարատի մ., գ. Շահումյան, Մինասյան 139, ծնված 26.02.1969թ.) մահվան վերաբերյալ տեղեկատվություն չի հայտնաբերվել:

ԵԱՏՄ մաքսային օրենսգրքի 101-րդ հոդվածի 1-ին մասի համաձայն՝ ապրանքների ժամանակավոր պահպանման ժամկետը հաշվարկվում է ապրանքները ժամանակավոր պահպանման հանձնելու համար ներկայացված փաստաթղթերը մաքսային մարմնի կողմից գրանցվելու օրվան հաջորդող օրվանից և կազմում է 4 ամիս՝ բացառությամբ սույն Օրենսգրքի սույն հոդվածի 2-րդ կետում և 259-րդ հոդվածում նշված դեպքերի:

Նույն օրենսգրքի 110-րդ հոդվածի 1-ին մասի համաձայն՝ միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև ապրանքների ժամանակավոր պահպանման ժամկետի լրանալը կամ սույն Օրենսգրքով սահմանված այլ ժամկետում:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 194-րդ հոդվածի համաձայն՝ սահմանված ժամկետում մաքսային մարմիններին ապրանքների և տրանսպորտային միջոցների վերաբերյալ մաքսային հայտարարագիր չներկայացնելը, ինչպես նաև մաքսային հսկողություն իրականացնելու համար ապրանքների և տրանսպորտային միջոցների վերաբերյալ անհրաժեշտ փաստաթղթերը չներկայացնելը՝ անկախ գրավոր հայտարարագիր ներկայացնելուց՝ առաջացնում է տուգանքի նշանակում՝ 50,000 դրամի չափով:


Այսպիսով, վարույթի նյութերով հիմնավորվում է, որ Մայիս Քարամյանը սահմանված ժամկետում թիվ 05100022/250320/0005756 տարանցման հայտարարագրով Բավրայի մաքսային կետ-բաժնով ՀՀ տարածք ներմուծված բեռի համար մաքսային հայտարարագիր չի ներկայացրել, ինչի արդյունքում թույլ է տվել ՀՀ մաքսային օրենսգրքի 194-րդ հոդվածով նախատեսված մաքսային կանոնների խախտում:

Ելնելով վերոգրյալից և ղեկավարվելով ՀՀ մաքսային օրենսգրքի 13-րդ բաժնով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 194-րդ հոդվածով նախատեսված մաքսային կանոնների խախտում կատարելու համար Մայիս Քարամյանին ենթարկել վարչական պատասխանատվության՝ տուգանելով **50.000 ՀՀ դրամի** չափով:
2. Որոշման մասին իրազեկել Մայիս Քարամյանին՝ պարզաբանելով, որ այն օրենքով սահմանված երկամսյա ժամկետում կարող է բողոքարկվել վերադաս մաքսային մարմին (ք. Երևան, Մ. Խորենացի 3/7) կամ դատարան:
3. Որոշմամբ նշանակված տուգանքի վճարման հաշվեհամարն է **900005024055-ը** (**ՀՀ պետական բյուջե, կենտրոնական գանձապետարան, Արարատյան մաքսատուն-վարչություն, ԿՈԴ 27**):

ԱՐԱՐԱՏՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏ



ԿԱՐԵՆ ԲԱԲԱՅԱՆ